

समे .1815

<><><><><><>

Headlines

1. मुख्यमंत्री उमर अब्दुल्ला होरें उद्योगें, सैलसफा ते शिक्षा दे खेत्तरें लेई नीतिएं गी आकार देने दे मकसद कन्नै बजट शा पैहले सलाह सूत्र आलियां बैठकां कीतियां न।
2. मुख्यमंत्री होरें लद्दाख कन्नै मजबूत रिश्ते दी अपनी वचनबद्धता गी पक्का करदे होई जम्मू कश्मीर चावै करदे लद्दाख दे बसनीकें दिएं समस्याएं दा नबेड़ा करोआया ऐ।
3. शिक्षा मंत्री सकीना इत्तू होर केन्द्री सलाहकार कमेटी दी बैठक च हिस्सा लैता ते जम्मू कश्मीर च गरीब ते दबोए लतड़ोए दे समुदायें गी उबड़ा चुक्कने च प्रधानमंत्री अनुसूचित जाति अभ्युदय योजना दी भूमिका पर लोह पाई।
4. केन्द्र सरकारै मिशन सक्षम आंगनवाड़ी ते पोषण 2.0 अभियान तैहत्त जम्मू कश्मीर च 338 आंगनवाड़ी केन्द्र दा दर्जा बधाने दी मंजूरी दित्ती ऐ।

<><><><><><>

जम्मू-कश्मीर दे औंदे बजट गी आकार देने दी इक महत्वपूर्ण गैह दे तैहत्त मुख्यमंत्री ओमर अब्दुल्ला होर बजट कोला पैहले उद्योगें, सैलसफा ते शिक्षा दे खेत्तरें कन्नै जुड़े दे सरबंघत धड़े कन्नै सलाह-सुत्तर आहली बैठकां लाऽ करदे न। गल्लबात आहली इ'नें बैठकें दा मकसद महत्वपूर्ण मसलें गी हल करदे होई इस गल्लै गी जकीनी बनाना ऐ जे औंदे बजट च खित्ते दिआं जरूरतां खरी चालली प्रदर्शित कीतीआं जाई सकन। इस मौके पर जेहड़े मुख्य विशें उपपर गल्लबात कीती गेई उंदे च जम्मू गी इक बड़डी धार्मिक ते सैलसफा आहली थाहरै दे तौरा पर बढ़ावा देने, उद्योगें मतल्लक नीतिएं च सुधार, उद्योगें दा विकास ते खेड्ढ ढांचे दे बाददे-विस्तार आहले मामले मुख्य न। मुख्यमंत्री होरें बजट गी बक्ख-बक्ख खेत्तरें दिएं आसैं-तांगें मूजब तैयार करने दी जरूरतै पर जोर दित्ता ऐ तांजे खित्ते दा पूरा-पराता ते सामा विकास जकीनी बनाया जाई सकै। उ'नें आखेआ

<><><><><><>

CM LAHDC

मुख्यमंत्री ओमर अब्दुल्ला होरें जम्मू-कश्मीर च र'वै करदे लद्दाखी लोकें दिएं चैंताएं खासकरियै सेहत, शिक्षा ते जरूरी सेवाएं कन्नै जुड़ी दिएं चैंताए गी हल करने दे मकसद कन्नै अज्ज लद्दाख खुदमुख्तयार फ्हाड़ी विकास काउंसल करगिल दे इक डेलीगेशनै कन्नै उच्ची सतह दी बैठक लाई। उपमुख्यमंत्री सुरिंदर चौधरी, मंत्री जावेद अहमद राणा ते होरनें मुतल्लका सीनियर ऐहलकारें बी इस बैठका च हिस्सा लैता। इस मौके उपपर मुख्यमंत्री होरें विद्यार्थिओं लेई उपलब्ध कोटें बारै जागरूकता पैदा करने दी जरूरतै पर जोर पाया ते लद्दाख ते जम्मू-कश्मीर बश्कार तगड़े सरबंघें बारै अपनी वचनबद्धता गी पही पक्का कीता। डेलीगेशनै, उंदिएं चैंताएं दे नबेड़े लेई सकारात्मक रौंऽ अख्तियार करने लेई मुख्यमंत्री हुंदा आभार जताया ऐ।

<><><><><><>

Sakina Itoo Meet

गरीब ते दबोए-लतड़ोए दे समुदायें गी सैहयोग देने दी इक महत्वपूर्ण गैह दे तैहत्त शिक्षा, सेहत ते उच्च शिक्षा मैहकमें दिएं मंत्री सकीना इत्तू होरें अज्ज दिल्ली च केन्द्री सलाहकार कमेटी दी इक उच्ची-सतह दी बैठका च

हिस्सा लैता। बैठक दरान प्रधानमंत्री अनुसूचित जाति अभ्युदय योजना बारै मुख्य करी ध्यान केन्द्रित कीता गेआ ते इस मौके उपपर सेहत सरबन्धी योजनाएं, समाज कल्याण सरबन्धी पैहलकदमिएं ते शिक्षा सरबन्धी सुधारें बारै मुख्य तौर उपपर चर्चा कीती गई। मंत्री सकीना इत्तू होरें गरीब ते दबोए-लतडोए दे समुदायें दे कल्याण लेई प्रधानमंत्री अनुसूचित जाति अभ्युदय योजना दे महत्व पर लोऽ पाई ते जम्मू-कश्मीर च इ'ने' समुदायें दी तरक्की ते इ'ने'गी उबड़ा चुक्कने लेई सरकार दी वचनबद्धता गी पही पक्का कीता।

<><><><><><>

Lal Draman Winter Fest (byte)

संस्कृति ते रोमांचक दे अनोखे संगम दा जश्न मनाने दे मकसद कन्नै डोडा च लाल द्रमण स्यालु महोत्सव दा आयोजन कीता जा करदा ऐ जेह्दे च अज्ज ज्हारां बद्धे लोकें हिस्सा लैता। डोडा दे जिला इंतजामिया आसेआ, सैलसफा मैहकमे ते इक मुकामी गैर-सरकारी संगठन दे सैहयोग कन्नै आयोजित कीते जा करदे लाल द्रमण महोत्सव च सांस्कृतिक कार्यक्रमें सने साहसिक गतिविधिएं जि'आं स्कीईंग ते ट्रैकिंग वगैरा दा आयोजन बी कीता जा करदा ऐ। इस महोत्सव नै मुकामी कारीगरें गी एह मौका दित्ता ऐ जे ओह अपने दस्तकारी उत्पादें दा बड़े बधिया ढंग'नै प्रदर्शन करी सकन। एह्दे कन्नै गै परंपरागत लोक नाच, मुकामी कला प्रदर्शिनयां ते मुकामी पकवानें दे स्टॉल बी लाए गेदे न। डोडा दे डिप्टी कमिशनर होरें लाल द्रमण गी स्यालें दरान सैलसफा आहली इक बड्डी थाहर दे तौर उपपर बढ़ावा देने च इस महोत्सव दी भूमिका उपपर लोऽ पाई ऐ। इस मौके उपपर जम्मू दे डिवीजनल कमिशनर रमेश कुमार होरें आखेआ

<><><><><><>

Delhi Elections

दिल्ली विधानसभा चुनाएं च भारती जनता पार्टी नै बड्डी जित्त दर्ज कीती ऐ। अजें तोहड़ी कुल 70एं सीटें चा 56 सीटें दे नतीजें दा ऐलान करी दित्ता गेदा ऐ। बीजेपी नै 40 सीटां जित्ती लैती दिआं न ते ओह 8 सीटें पर अग्रे चलै करदी ऐ जिसलै के आम आदमी पार्टी नै 18 सीटां जित्ती लैती दिआं न ते उन्नै फिलहाल 2 सीटें उपपर बढ़त बनाई दी ऐ। कांग्रेस दे खाते च कोई बी सीट नई आई ऐ। बीजेपी दी तरफा जेह्दे बड्डे नेताएं जित्त हासल कीती ऐ उंदे च परवेश साहिब सिंह, कपिल मिश्रा ते अरविंदर सिंह लवली शामिल न जिसलै के आम आदमी पार्टी दी तरफा जित्तने आहलें च आतिशी ते गोपाल राय मुख्य न।

<><><><><><>

Anganwadi Centers

केन्द्र सरकार नै मिशन सक्षम आंगनवाड़ी ते पोषण 2.0 दे तैहत दर्जा बधाने आस्तै जम्मू कश्मीर च 338 आंगनवाड़ी केन्द्रें गी मजुंरी दित्ती ऐ। आकाशवाणी नै दस्सेआ ऐ जे दर्जा बधाए गेदे सक्षम आंगनवाड़ी केन्द्रें च बच्चे ते माताएं आस्तै सेवा बधाने लेई एलईडी स्क्रीन, वॉटर प्यूरीफायर, पोषण वाटिका ते सि,ने दी समग्री होग। पोषण ते शुरूआती बचपन दिक्खमाल सेवाएं च सुधार दे उद्देश्य कन्नै इस पैहल दे तैहत पूरे भारत च 2 लक्ख आंगनवाड़ी केन्द्रें दा आधुनिकीकरण कीता जा'रदा ऐ ते 5एं ब,रें च 50 ज्हार नमें केन्द्रें दी बी योजना ऐ। कन्नै गै सरकार नै सब्बने लौहकी आंगनवाड़िएं गी पूरे पराते केन्द्र दा दर्जा देने दा हुक्म जारी कीता ऐ।

<><><><><><>

Resham Kissan Mela (byte)

रेशम दी पैदावार आहले खेत्तर गी बढ़ावा देने दी इक महत्वपूर्ण पैहलकदमी दे तैहत अज्ज उधमपुर दे रीवायत बैंकवेट हॉल च रेशम किसान मेले दा सरिस्ता कीता गेआ। केन्द्री रेशम बोर्ड ते जम्मू-कश्मीर दे रेशम विकास विभाग निदेशालय दे सैहयोग कन्नै आयोजित इस मेले दा उद्घाटन रेशम विभाग जम्मू दे डरैक्टर ऐजाज अहमद भट्ट ते उधमपुर दिएं डिप्टी कमिशनर सलोनी राय होरें कीता। उधमपुर जिले च रेशम दी पैदावार कन्नै जुड़े दे तकरीबन 350 जनें इस मेले च हिस्सा लैता। इस मौके पर उनें'गी रेशम सरबन्धी नमिएं तकनीकें ते सरकारी योजनाएं दे बारै च महत्वपूर्ण जानकारीयां दित्तिआं गेइयां। इस सरबन्धै च आकाशवाणी समाचार कन्नै गल्ल करदे होई उधमपुर दिएं डिप्टी कमिशनर सलोनी राय होरें आखेआ

<><><><><><>

Herbal Garden Projects

जम्मू कश्मीर गी पिछले त्रुं बरें च त्रै जड़ी-बूटिएं आलियां बगीचा परियोजना प्रदान कीतियां गेइयां न, जिंदा उद्देश्य इस खेत्तर दी औषधि-बूहटे दी राई-बाई ते अनुसंधान गी बढावा देना ऐ। आयुष राज्य मंत्री प्रताप राव जाधव होरें इस बारे संसदी गी जानकारी दिंदे होई आखेआ जे एह पैहल पारंपरिक चिकित्सा पारिस्थितिकी तंत्र गी मजबूत करोग। चुने गेदे संस्थानें च सरकारी यूनानी मैडिकल कालेज गांदरबल, इस्लामी विज्ञान ते प्रौद्योगिकी विश्वविद्यालय अवंतीपोरा ते सरकारी शिक्षा महाविद्यालय जम्मू शामिल न। कल 7.42 करोड़ रपे दे आवंटन दे कन्नक-कन्नै परियोजनाएं आस्तै पूंजी च लगातार बाद्धा होआ ऐ।

<><><><><><>

शिड़क संपर्क गी इक बड़डा बढावा दिंदे होई रियासी जिले च चला'रदा शिड़क नवीनीकरण कम्म मकामी लोकें ते सैलानिएं दे सफर गी सुगम बनाने लेई तेजी कन्नै अगै बधा'रदा ऐ। प्रमुख परियोजनाएं च पौनी-शिवखोड़ी शिड़क ऐ, जेहड़ी मार्च 2025 तगर पूरी होने आली ऐ। इस शिड़कै दा कम्म पूरा होई जाने परैत पवित्र शिवखोड़ी मंदर तगर सौखी पुज्ज प्रदान करोग। वर्तमान च 2 सौ किलोमीटर कोला मती शिड़कें दा नवीनीकरण कीता जा'रदा ऐ। इन्नै कम्म लेई गुणवत्ता, स्थायितन ते हर मौसम च संपर्क गी बरकरार रखने आस्तै ध्यान केन्द्रित कीता जा'रदा ऐ। आकाशवाणी समाचार कन्नै गल्ल करदे होई अडिशनल डिस्ट्रिक्ट डवैलपमेंट कमीशनर, सुखदेव सिंह सम्याल होरें भरोसा दोआया जे परियोजना समें सिर पुर होई जाग, जेहदे कन्नै तीर्थयात्रुएं ते स्थानीय अर्थबवस्था दौनें गी फायदा होग। उनें आखेआ

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001 उपपर 15 फरवरी 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

जल संरक्षण आस्तै जागरूकता बधाने लेई "हमारी दुनिया" कार्यक्रम दे तैहत स्कूल शिक्षा निदेशालय जम्मू ते प्रथम एजुकेशन फाउंडेशन नै उधमपुर च इक रैली दा आयोजन कीता। सरकारी सिटी मॉडल स्कूल उधमपुर दे छात्रें इस रैली च हिस्सा लैता। रैली दरान छात्रेंज ल संरक्षण आले संदेश तख्तिएं पर लिखियै लोकें गी जागरूक करने दा प्रयास कीता। आकाशवाणी समाचार कन्नै गल्ल करदे होई प्रथम एजुकेशन फाउंडेशन दे इंचार्ज संजय भट्ट होरें आखेआ

<><><><><><>

